

INUIT ATAQATIGIIT

Inatsisartuni



UPA 2019/45

09.05.2019

Mikivsuk Thomassen

**Uunga siunnersuut: Ujaqqat pinnersaasiassat aalajangersimasut nunatsinni
piaarneqarsimasut suliareqqaarlugit sileeqqaarlugillu nunatsinniit
anninneqartarnissaat piumasaqaatigineqalissagaluarpat pitsaaqutigisinnaasai
pitsaanngequutigisinnaasaalu pillugit apeqquteqaat aallaavigalugu oqallisissiaq.**

(Inatsisartunut ilaasortaq Peter Olsen, Inuit Ataqatigiit)

Siullermik oqallisissiamik saqqummiisumut qujarusuprugut. Inuit Ataqatigiinniit oqallisigineqarnissaannut peqataarusuprugut imaattumillu oqaaseqarfingineqassaaq.

Nunarput ujaqqanik pinnersaasiassanik assigiinngitsunik peqartoq ilisimavarput, ujaqqanik kusanartorsuarnik, suliarilluarneqarnermikkut kusanartorsuanngorlugit naleqarluartunik tunineqarsinnaasut. Assersuutigisinnaavara ukiut tamaasa Ujarassiorit unammitsitisarpoq.

Ujaqqat pinnersaasiassat nunaqavissunit kusassaneqarnermikkut atorluarneqarsinnaasut. Ujaqqanik silisisinnaasunik piginnaanilinnik peqareerpugut, taakkulu inerisarneranni tunisassiornerup tungaanut ingerlaqatigisinnaagutsigit, kusanartumik angusaqartoqarsinnaasoq ilimagilluinnarpura.

Assersuutigisinnaavara nammineerlunga ujaqqerineq misilittaqarfinginngikkaluarlugu silisinikuuvunga, ujarak aqqusiniinnarmi tiguinnagaq, ujaqqeriveerannguamik atortorissaangikkaluarlunga, tamakkiisumillu kusassarneqanngikkaluarluni ilusininnermini kusanaqaaq.

Aningaasarsiornikkut iluaqtigineqarsinnaaneri upperilluarinnarpura, qanorli silisinermik misilittagallit ilisimasaallu atorluarneqartuuppata. Nunatta pissarititaanik ulorianateqanngitsunik ujaqqanik pinnersaasiassanik atorluaagutta iluaqutaasinnaanerat takorloortariaqalersoraara anguniagassatut, nunap inui peqatigalugit, taakkummata nunatsinnut ilisimaarinnilluartut.

Nunatta ujaqqat pissarititai kusanartorsuusut silineqaratik annissorneqaannassanerlutik? Aamma pisisartussat pisisussallu eqqornerlunneqannginnissaat pingaaruteqarpoq, ujaqqallu

INUIT ATAQATIGIIT

Inatsisartuni



Nunatsinnit anninneqartigatik nalunaarsoneqartarnissaa avaqqunneqarsinnaanngilaq.

Suliffissaqartsitinermut iluaqutaasinnaanera naatsorsuutigineqarsinnaavoq, nunap inuila imminerminnik suliffeqarfiuteqarnissaat takorluukkanut ilaasinnaammat. Nunaqqativullu ujaqqanik suliareqqiisartut pikkorissorsuit, pikkorissaanikkut piginnaasaanik suli annertuneruleritsinikkut, ujaqqamik pinnersaasiavik suli annertunermik naleqalersitsinikkut tunisaqarsinnaammata.

Nunaata ujarai pinnersaasiassat avataanut annisilertinnagit, kusanartuliarisinnaagiguk nunarsuarmioqatsitinnut takutinniartigu saperata, nunatta pissarititaanik suliaqarsinnaalluta kusanartunngorlugit.

Nunarpummi isorartoqaaq, piffinni assigiinngitsuni mingutitsineqanngikkaluarluni atorluarneqarsinnaasoq ujartuinikkut inerisaavigineqarsinnaavoq. Nunatta avataanut nioqqutigineqarluarsinnaasunik, assersuutigisinjaavara Siorapalummi eqqaanilu ujaqqanik Agati-nik, silineqarsinnaasunik peqarpoq. Pifimmilu nunaqartut taakkuupput ilisimannilluartut ujaqqanik nioqqutigineqarsinnaasunik.

Ujaqqat pinnersaasiassat suliareeqqaarlugit sileqqaarlugillu nunatsinnit anninneqartalissappata, nunatsinnut ilisimasatigut, suliffisatigut aningaasarsiornikkullu ullumikkumiit annertunerusumik iluaqtissartaqarnerunera ilimagineqarsinnaasoraarpot.

Taamatut oqaaseqarluta oqallisissiaq oqaaseqarfingaarpot.